



Caen'gyaez

真爱

环江毛南族自治县人和小学六年级 欧映贝

Gou gaenq laihnaeuz, gwnz-biengz goulau gaenbonj mbouj miz gyaez. Hoeng, ginglig baez haenx le, gou cij fatyienh, gwnzbiengz gizgiz miz caen-gyaez.

Geiq ndaej seiz gou lij iq, fatseng gienh saeh ndeu, gienh saeh neix ca di hawj gou yaek vutmingh bae, dwg daxboh yungh caenh goengrengz cij daj ndaw fwngz duzfangzdai duet gou dauqma.

Haemh haenx, gou mbouj rox baenzlawz lo, youq ndaw rug gag laemx, in ndaej daejnga'nga hawjdaeu. Daxboh dingqnyi le,

sikhaek buet daengz ndaw rug gou. Daxboh raen gou ringx youq gwnz dieg daejnga'nga, vueng dwk mbouj rox baenzlawz guh cij ndei. Gou lumjnaeuz dingqnyi daxboh heuh gou, lij lumjnaeuz yawjraen daxboh umj gou. Aeya! Baenzlawz baenzneix ndat? Mbouj ndei, haengjdingh noh fatndat lo. Daxboh caiq mbouj gangj gijmaz, umj gou hwnjdaeu, couh vaiq buet bae cunghunghsoj yihvusiz.

Daj ranz gou daengz cunghunghsoj yihvusiz dwg diuz loh gaebgeb ndeu. Vihliux gouqmingh, youq gwnz diuzloh gaebgeb neix, daxboh mbouj rox

laemx liux geijlai baez, hoeng, de goq mbouj ndaej baenz lai lo, moix baez laemx le, benz hwnjdaeu, vanzlij nyaenx in dwk, mbouj dingz buet dwk. Couh yienghneix, daihgaiq gvaq baez diemj cungj ndeu, daxboh dauqdaej dawz gou daengz cunghunghsoj yihvusiz lo. Mwh gou singj gvaqdaeu seiz, yawjraen aennaj daxboh yienghhaenx baegnaiq, gou ndonj haeu ndaw rungj daxboh bae, raemxda doekfoenfoen, cungj raemxda neix dwg raemxda vuenyungz, dwg raemxda boiz aen.

(指导老师:陆春梅)

Cin Hah Cou Doeng

春夏秋冬

武鸣县太平镇庆乐小学一年级38班 潘星宇

Goliux did ndaej oiqtwt,
De roi gij bwngyaeu heuloegloeg naeuz:
“Gou dwg seizcin.”

Duzdoengz venj youq gwnzmbwn sangfwdfwd,
De riuj hwnj diuzvunj hoengzhoengz heuheu naeuz:
“Gou dwg seizhah.”

Lwngdae hoengzrwgrwg,
De riuj aen daengloengz naeuz:
“Gou dwg seizcou.”

Nae lwgnyez hausaksak,
De ninz youq ndaw rum gwnzdieg naeuz:
“Gou dwg seizdoeng.”

(指导老师:黄春菊)



Vaging Hai Lo

“荆花”开了

环江毛南族自治县
西南小学三年级 罗雨萌

Dahsau seizcin yamq yamqdin mbaeumbeng daeu daengz gwnzbiengz, heuh singj gij vaging ninz caem haenx. Vaging nyuouq daengz hei seizcin, couh daj ndaw rug va ndonj aen gyaeu okdaeu.

Ngoenzneix, vaging ranz gou hai lo, gyoengqde lumj lwgnyez bizboed hausag, caenx youq giz ndeu, gig nauhyied. Gyoengqde mizdi lumj dahsau najnyaeng, ndoj youq laeng ngefaex, mbouj gamj raen vunz; mizdi lumj duz non'iq gikgyat, ndoj youq ndaw lupva ninz; lij mizdi ngiengx coh daengngoeng hailangh, ndit rongh ciuq gyoengqde, lumj gaiq nyawh hau ronghcingx gyaqciq……

Raq rumz seizcin ci gvaqdaeu, gwnz nge venj rim vaging baenz comz baenz comz, lumj doih “dahsien hau” cingq diuq foux, youh lumj cingq heuh gyoengqvunz bae ngonz gyoengqde, bae cimz gij gyaeundeit gyoengqde. Gij hei hom vaging yinx daeu haujai duzmbaj, gyoengqde lumj dwg daeu caeuq vaging doxbeij gyaeundeit, hoeng yawj daengz vaging yienghhaenx gyaeundeit, cijndaej najhoengz dwk laeglemx deuz lo.

Neix couhdwvaging, de gawq buzsu youh dasang. Seiz caem lumj boux dahsau hung maezvunz, seiz doengh youh lumj lwgsau iq, cibfaen nyex vunz.

(指导老师:罗秀荷)



Cunghgyauz Siujyoz Guh Daudwz Gyangjdangz Hozdung

中桥小学举办道德讲堂活动

5 nyied 21 hau, Cuengh Gun song saw vah sonhag sawqniemh hagdangz Vujmingz Yen Senhhuz Cin Cunghgyauz Siujyoz guh baez daudwz gyangjdangz daegbied ndeu, cujdiz dwg 《Aeueiq Bouxlaux Gyaez Beixnuengx》.

Ngoenzhaenx, Senhhuz Cin Cunghsinhyauz lingjdauj, daengx cin banhcujyin caeuq gyoengq gyahcangj daibayuj caez daengz Cunghgyauz Siujyoz dingq dangz dauzdwz gyangjdangz hozdung neix.

Hozdung faen baenz roek aen vanzce: Swhgeij fanjsingj, ciengq go, hag mozfand, doeg ginghdenj, gangj gamjsouh, soengq gitleih. Daengx aen hozdung lauxsae cuengqfwngz hawj gyoengq hagseng swhgeij guh swhgeij hwnj. Youq gwnz godangz, gyoengq doengzhag bouxboux nyinhcaen dingq, doxciengj gangj, daegbied dwg “gangj gamjsouh” aen vanzce neix, mbanj boux giethab gij saeh swhgeij daeu gangj, gig caensaed gig gamj-doengh vunz, haujai doengzhag

dingq le nyaenx mbouj ndaej raemxda lae lo. Mbat hozdung neix gig miz yi, mboujdanh hawj gyoengq hagseng hag ndaej cihsiz, caemhcai hawj gyoengqde rox baenzlawz guhvunz, baenzlawz aeueiq bouxlaux……

Baez daudwz gyangjdangz hozdung neix dwg Senhhuz Cin dauzdwz gyangjdangz dangz daih'it, vih daengzcog daudwz gyangjdangz hozdung guhliux sifan caeuq dazyinx.

(武鸣县仙湖镇中桥小学 潘芳兰)